

## MINORITY SHAREHOLDER WATCHDOG GROUP

BADAN PENGAWAS PEMEGANG SAHAM MINORITI BERHAD

(Incorporated in Malaysia – Company No. 524989-M)

Berita Harian – 4 July, 2015 (C)

# KWAP

## TAMBAH PELABURAN RM100 JUTA

» Peruntukan keseluruhan dalam syarikat ESG RM1.3 bilion tahun ini



**Kami bercadang untuk mempunyai tiga hingga empat pengurus dana bagi menguruskan pelaburan dalam syarikat ESG tahun ini”**

**Wan Kamaruzaman  
Wan Ahmad,  
Ketua Pegawai  
Eksekutif KWAP**

Oleh Mahanum Abdul Aziz  
mahanum\_aziz@bh.com.my

**K**umpulan Wang Persaraan (Diperbadankan) atau KWAP bercadang menambah pelaburan sehingga RM100 juta tahun ini dalam syarikat yang memenuhi standard global bagi amalan alam sekitar, sosial dan tadbir urus (ESG).

Ketua Pegawai Eksekutifnya, Wan Kamaruzaman Wan Ahmad, berkata setakat ini, pengurus dana pencen itu sudah memperuntukkan RM1.2 bilion untuk pelaburan dalam syarikat ESG di negara ini.

Beliau berkata, dengan pertambahan pelaburan itu, KWAP akan menambahkan

lagi bilangan pengurus dana yang bertanggungjawab untuk menguruskan pelaburannya itu.

Setakat ini, KWAP sudah melantik dua pengurus dana untuk menguruskan pelaburannya dalam syarikat ESG.

### Urus pelaburan

“Kami bercadang untuk mempunyai tiga hingga empat pengurus dana bagi menguruskan pelaburan dalam syarikat ESG tahun ini.

“Dengan pertambahan lagi RM100 juta akan menjadikan peruntukan keseluruhan bagi pelaburan dalam syarikat ESG kepada RM1.3 bilion tahun ini,” katanya ketika ditemui selepas pengumuman penubuhan Majlis Pelabur Institusi Malaysia di Kuala Lumpur semalam.

● Lihat B2

## Pelaburan luar negara positif

● Dari B1

Yang turut hadir Ketua Pegawai Eksekutif Badan Pengawas Pemegang Saham Minoriti (MSWG), Rita Benoy Bushon.

Mengenai pelaburan KWAP di luar negara, Wan Kamaruzaman berkata, pengurus dana pencen itu mendapat manfaat daripada kelemahan ringgit ketika ini yang membolehkannya meningkatkan aktiviti lindung nilai kerana meraih pulangan pelaburan dalam mata wang asing.

Beliau berkata, pihaknya

ketika ini tidak mempunyai rancangan untuk menjual hartanah miliknya di luar negara.

“Kami mendapat pendapatan berulang yang baik daripada aset ini (hartanah di luar negara) kerana semua hartanah kami di United Kingdom (UK) mempunyai hasil sewaan lebih enam peratus dan kami akan membawa pulang pendapatan sewa ini ke Malaysia setiap tahun,” katanya.

### Majlis pelabur

Mengenai penubuhan Majlis Pelabur Institusi Malaysia, Rita berkata, penubuhan majlis itu adalah sejarah dengan pelancaran Kod Malaysia bagi Pelabur Institusi pada 27 Jun 2014.

Beliau berkata, kod itu dilancarkan secara bersama oleh Suruhanjaya Sekuriti Malaysia (SC) dan

MSWG bagi membantu pelabur institusi memenuhi tanggungjawab pengawasan mereka melalui pengaruh dan pengalakkan budaya tadbir urus korporat yang baik dalam syarikat pelaburan mereka.

Katanya, majlis itu juga berperanan penting dalam mewakili kepentingan bersama pelabur institusi di Malaysia dan bertindak sebagai platform untuk mempengaruhi lingkungan tadbir urus korporat yang lebih luas.

Barisan kepimpinan majlis itu diterajui Wan Kamaruzaman yang dilantik sebagai Pengurusnya, sementara Rita dilantik sebagai Ketua Sekretariat/ Anggota Majlis.